

H Y M N A U,

WEDI EU

CYFANSODDI A'U CASGLU, YN FWYAF
NEILLDUOL,

AT WASANAETH

SAINT Y DYDDIAU DIWEDDAF.

AIL ARGRAFFIAD.

MERTHYR-TYDFIL:

ARGRAFFWYD AC AR WERTH GAN J. DAVIS,
GEORGETOWN.

1851.



RHAGYMATRODD.

MAE i bob sect ei Hymnau, yn gystal â'i h̄arferion neillduol. Mae amryw o hymnau yr enwadau ereil yn ddigon cyfaddas i'w canu genym niinnau, eithr nid y cwbl; a chan nad oes un casgliad o hymnau yn yr iaith, wrth yr hwn y gallwn osod ein cymmeradwyaeth dieithriad, nid oedd genym un ffordd i'w dilyn yn amgen, n̄a chyfansoddi a chrynhoi ynghyd y cyfryw hymnau ag a ystyriwn yn gyfaddas i'w canu genym yn ein haddoliadau. Dyna yr achos o gyhoeddiad y llyfryn bychan hwn; ac er nad ydym yn ei ollwng allan fel yr uchaf ei ehediadau na'i gywreinwaith barddonol, tybiwn ei fod yn cyd-daraw ag athrawiaeth

ac archwaeth ysbrydol y Saint; a chan
obeithio y bydd yn achlysur pleser ac
addysg iddynt hwy yn eu cynnulleidfaoedd,
ac ar eu haelwydydd, y cyflwynir ef iddynt

Gan eu brawd gostyngedig,

D. JONES.

EGLURHAD O'R MESURAU.

- M. C. yw Mesur Cyffredin.
M. C. C. yw Mesur Cyffredin Cymreig,
neu Fesur Salm.
M. B. yw Mesur Bwr.
M. H. yw Mesur Hir.
M. N. yw Mesur Neillduol.

M Y N E G A I.

TUD.

A ALL y fraich a wnaeth bob dim	50
Aaron, â gwaed nid eiddo'i hun	50
Aed swu efengyl hedd	23
Aed yr efengyl bur ar led	21
A herbio'r dywell nos	15
Am ddi gorchymyn y nef	39
Anwylaf Dad, O llwydda di	22
Angylion doent yn gysson	46
Archodé Duw i'w lân angylion	52
Ar foren'r Jubili	10
Ar fyr daw dydd yr Arglwydd	39
Arglwydd, anfon dy efengyl	22
Arglwydd grasol a thrngarog	3
Arglwydd, llwydda dy efengyl	24
Beth yw'r swu a'r synu sydd	13
Boed i'r 'fal, a'r Mab, a'r Ysbtyd	47
Boed i'th efengyl, Iesu mawr	31
Braint, braint	7
Brodyr a chwiorydd eu	56
Bun heb Dduw o fewn y byd	28
Byw, byw	40
Cariad a odde'n ymarhons	19
Carnal brawdol yma boed	20
Carnad synd yn hir ymaros	19
Cawn, cawn gymdeithas gu	14
Cetsiwech y deyrnas	28
Cyn-roddwn fawl i'n Harglwydd Glân	17
Chwi, weision Duw, molweb yr Oen	41
Dan dy fendith wrth ymadael	55
Daw y Barnwr yn ei gebyd	49
Dechreuast, Arglwydd, ein rbyddhan	51
Dim ond taith o bereriudod	14
Diolch byth i Dduw y nefoedd	20

	TUD.
Dros y brynau tywyll niwlog	15
Duw, cyflawn dy addewid	2
Duw, tywallt di yr Ysbryd Glân	1
Dyma ffordd y gwir gyfammod	10
Dyrhafer baner goch y groes	24
Dysg fi, O Dduw, dysg fi pa fodd	46
Dywed yd llawer am yr Oen	8
Ity Ysbryd di, ein nefol Dad	3
Efengyl, hed yn awr	21
Efengyl Mab Duw, dinewid byth yw	28
Efengyl teyrnas nef	25
Efengyl teyrnas nefoedd	26
Efengyl y deyrnas sydd addas i ni	25
Efengyl y deyrnas yw hon	24
Efengyl yr Oen, am dan boed son	21
Ehegeg mae'n efengyl twyn	26
Ein Duw a'n trion Awdwr hedd	2
Er castal yw'r eglafod	55
Er fod y sant ar hyn o bryd	13
Er 'madael 'nawr, O Arglwydd nef	55
Er mwyn dy enw, Arglwydd mawr	33
F' enaid, cred, anghofia'th adfyd	52
Frodyr a chwirydd en	56
Fy enfeddaeth weithfawr yw	49
Fy mhiant, byddwch ffyddlon, tra b'ochar y llaw	34
Gair Duw sydd wir safidwy oll	31
Gair fod yr efengyl bur	30
Gogonit byth i'r a wyl Un	53
Gorch'nyfiodd Iesu Grist, ein Pen	17
Gwelodd Ioan angel dysclær	31
Henffych i'r amser da sy'n dod	9
I Jeru-salem a Seion	8
Ioan glywodd lef o'r nefoedd	39
Llwyddiant i'r efengyl nefol	30
Mae gwaed y groes a'i iŵ	16

TUD.

Mae egwyddorion pur y saint	36
Mae, mae	12
Mae meddwl am y nefol wlad	40
Mae'r gwaed a lifodd ar y groes	17
Mae'r dyfroedd yn y hedydd mad	37
Mawr a thyfodd yw'th weithredoedd	47
Melys gam fydd yn Seion	6
Mewn dyfyn, aml fydd	5
Mi wu fod fy Mhruwr yn fyw	8
Molwch yr Arglwydd	27
Molwch yr Arglwydd	41
Mor tuddiol yw y gair a ddaeth	37
Mor hyfryd fydd cyfarfod	7
Mor hyfryd meddwl am y Gwr	16
Nâ chudd dy wyneb, Arglwydd da	51
Nid bara a gwin dacarol, gwan	17
O Arglwydd nef a dacar lawr	2
O, am undeb a ffyddlondeb	12
O, cenwch fawl i Iesu gwiw	30
O Dduw, tho im' dy Ysbyd	1
O, erglyw fy ngweddi, fy Arglwydd a'm Duw	23
O fewn i'r Bibl pur	34
O hyfryd amser ddaw	6
O, mor deg yw gweled brodyr	32
O! mor hyfryd gan y gweision	48
Oni chlywsoch? oni chlywsoch?	53
Ordendiwyd miluhadan	37
Pa Dduw ya mblith y duwiau	33
Pan lallo ffafr pawb a'n heidd	38
Pan adreledir Sennu wiw	7
Pe llefarwn â thafodau	18
Plant ydym etto dan ein hoed	15
Pwy a â i fynydd Seion	11
Rhaid ymadael unwaith etto	54
Rho dy Ysbyd, Arglwydd cu	32
Rhown fythol glod i gyd	45
Rhown glod i'n Harglwydd Glân	45.

'Rwy'n canu mewn gorthrymder	5
Taened gweision Brenin bywyd	29
Testun penaf fy myfyrdod	46
Tiwy gadw y cyngorion cu	33
Tiwy'r byd y d'n sôn	44
Tydi wyt deitwng, O fy Nbad	43
Tydi wyt Dduw mewn awr o bwys ..	44
Wle'r gogoniant mawr a fedd	43
Y boreu a aeth heibio	27
Y cariad sydd yn cuddio	19
Y cyfiawn drig yn y nef	41
Y cyfiawn a fydd hyw tiwy ffydd.....	38
Y dedwydd ddydd a ddaeth i ben ..	51
Y gynadledd hon genedlo	48
Y gair sy'n dangos grâs ein Duw	36
Y gareg a dorwyd o'r mynydd	22
Y gwaed a lifodd ar y llyn	38
Ymadael 'rwm, O Arglwydd mawr	55
Yna holl fy myfyrdodau ..	35
Yndrechaf yndrech deg ..	4
Yn awr gorthrymder gawn	5
Y netocod syda ni	42
Yn Ffrenn daear, mawr ei lwydd	4
Yn dyfod grâs fy Arglwydd mawr	35
Ysbryd cartad a brawegatwch ..	20
Y seimiau ffyddlon sydd	13
Yr awton o'r Arglwydd, yr hwn sy'n ein dwyn	42
Yr efengyl am y drymas	23
Yr efengyl hon chedo	25

HYMNAU.

YR YSBRYD GLAN A'I WAITH.

1 M. N. 7, 6.

O DDUW, rho im' dy Ysbryd—

Dy Ysbryd ddaw a gwres ;

Dy Ysbryd ddaw â'm henaid

I'r nefoedd wen yn nes :

Dy Ysbryd sy'n goleuo,

Dy Ysbryd sy'n bywhau ;

Dy Ysbryd sydd yn puro,

Santeiddio, a glanhau.

Dy Ysbryd sy'n dadguddio

Dy heirdd drysorau drud,

Y rhai ni chenfydd llygaid

Anianol blant y byd :

Dy Ysbryd sydd yn ennyn

O'n mewn y nefol dân ;

A'th Ysbryd pur yn unig

Sydd yn melysu'r gân.

2 M. C.

Duw, tywallt di yr Ysbryd Glân,

Yn enw Iesu mawr,

A'i weithrediadau megys tân,

O danfon ef i lawr.

B

Tyr'd, Ysbryd santaidd, *ledia'r ffordd*,
 Bydd imi'n niwl a than;
 Ni cherdda'i 'n gywir hanner cam
 Oni fyddi o fy mlaen.

3 M. C. C.

Ein Duw a'n tirion awdwr hedd,
 Mae blas dy wledd yn hyfryd;
 Rho brawf digonol i bob un,
 O werthfawr rîn dy Ysbryd.
 Dy Ysbryd sy'n goleuo'r dall,
 A'i wneyd yn gall a phwyllog;
 Efe santeiddia deula dyn;—
 O! hyfryd Un godidog.

4 M. H.

O, Arglwydd nef a daear lawr,
 Dy Ysbryd Glân rho ini 'nawr;
 Fel byddo ein haddoliad ni,
 Yn gymmeradwy genyt ti.
 Heb hyn nis gallwn gael llesâd,
 Yn ein cynnulliad ger dy fron;
 Os hyn a wnai, ein nefol Dad,
 Bydd yma lawer mynwes lon.

5 M. N. 8, 7, 4.

Duw, cyflawna dy addewid,
 Yma'n enw Iesu cu;
 Ti addewaist roi dy Ysbryd,
 Do, lle byddai dau neu dri,

Yn dy enw, &c.,

Niinnau'n gynnulledig sydd.

Tywallt ef mewn modd neillduol

Ar dy saint sydd ger dy fron ;

Tywallt ef er mwyn dy enw,

Yn yr oedfa newydd hon :

O, arosed, &c.,

Y Dyddanydd gyda ni.

6

M. C.

Dy Ysbryd di, ein nefol Dad,

Fo'n wastad gyda ni ;

Dyddanydd yw—Tywysydd rhad

I'r nefol wlad sydd fry ;

Ac yn ei law, fy enaid, hed

Uwch holl blanedau'r nen,

Lle mae fy Nuw, fy Nefol Dad,

A'm Iesu mât yn Ben.

7

M. N. 8, 7.

Arglwydd grasol a thrugarog,

O'th ddaioni mawr i ni,

Wele'th blant yn gynnulledig,

Ac yn dysgwyl wrthyt ti ;

Rho fendithion ini etto,

Yn yr oedfa newydd hon ;

Rho dy Ysbryd Glân i'n tywys

Trwy yr anial dir yn llon.

Ysbryd cariad a thangnefedd,
 Ysbryd Duw, 'r Dyddanydd cu;
 Undeb pur a chyd-weithrediad
 Fyddo'n wastad gyda ni:
 Boed gogoniant byth a moliant,
 Llais a chalon iddo Ef,
 Gan bob cerub, dyn, ac angel,
 Drwy'r holl ddaear, drwy'r holl nef.

AIL DDYFODIAD CRIST, A'R MIL-
 FLWYDDIANT.

M. B.

Ymdrechaf ymdrech deg,
 Nes cyrhaedd pen y daith;
 Addawodd Iesu anwyl im',
 Na fyddai ddim yn faith.
 Fe ddaw yn fuan iawn,
 A'i luoedd gydag ef;
 Henffych i'r anwyl ddydd a'r awr,
 Y daw i lawr o'r nef.

9

M. C. C.

Yn Frenin daear, mawr ei lwydd,
 E ddaw yr Arglwydd Iesu:
 Dywedodd y prophwydi hyn,
 'Rwyf finnau yn eu credu.

Hosanna, haleliwia fydd,
 Heb neb yn brudd bryd hyn; ;
 Henffych i'r amser ddod i ben,
 Teyrnasa'r Brenin Iesu.

Ni ddaeth erioed i galon un,
 A chlustiau dyn ni chlywsant,
 Y pethau a ddarparodd Duw
 I'r cyfryw rai a'i carant.

10 M. N. 7, 6.

'Rwy'n canu mewn gorthrymder,
 Wrth feddwl am y dydd,
 Pan caf fi o'r caethiwed,
 Ymdeimlo'n hollol rydd :
 Pryd hyn y caf fi ganu,
 Heb fethiant byth na thaw,
 I'r Hwn fu ar y ddaear,
 Sef hwnw'r eilwaith ddaw.

11 M. N. 6, 8.

'Yn awr gorthrymder gawn,
 Ond llawenhawn yn wir ;
 Dywedodd Duw, " Parhewch,
 Gorphwysfa gewch cyn hir."
 I'r amser braf, O croesaw ddod,
 Cawn fyn'd a bod yn Seion Duw.

12 M. B.

Mewn dyrus anial fydd,
 Yr y'm byl hyn yn byw ;

Henffych i'r waredigaeth lawn,
A gawn yn Seion wiw.

Cawn gwmni'r addfwyn Oen,
A'r teulu llon ynghyd;
O! hyfryd canwn y pryd hyn,
A'n tannau'n dŷn i gyd.

13 M. N. 8, 7.

Melys ganu fydd yn Seion,
Pan y delo'r saint ynghyd;
Melys gwrdd y pererinion,
Fu ar wasgar yn y byd;
Patriarchiaid a phrophwydi,
Apostolion yr un modd;
Dyna'r dydd ceir gwel'd y teulu,
Oll yn canu wrth eu bodd.

14 M. B.

O, hyfryd amser ddaw
I'r saint ar Seion fryn;
Pan drig y blaidd a'r oen ynghyd,
A'r llewpard gyda'r myn.
Y llo a chenaw'r llew,
A'r bras anifail fydd,
Yn cyd-ddigrifo ar y maes,
Mewn heddwch nos a dydd.
Y llew yn ddof a ddaw,
Y gwellt fel ych a bawr,
A llydnod buwch ac arth a gyd-
Orweddant ar y llawr.

Ni ddrygant hwy pryd hyn,
 Ar Seion fryn ynghyd ;
 A hulia, fel y dwfr y môr,
 Gwybodaeth Ior y byd.

15 M. C. C.

Pan adeiladir Seion wiw,
 Y disgyn Mab Duw yno,
 I lenwi'r saint â'r fywiol ddysg,
 Ac yn eu mysg breswyllo ;
 Fel y b'ont addas i fyw byth,
 O fewn i'w ddilyth nefoedd,
 Gan dalu'r clod i Fab y Dyw,
 Ar delyn yn oes oesoedd.

16 M. N. 2, 8.

Braint, braint,
 Fydd cael teyrnasu gyda'r saint,
 Pan na fydd pechod cas na haint,
 O unrhyw faint, i'n blino ni ;
 Ein hyfryd waith fydd moli'r Oen,
 Heb unrhyw boen, yn mhlith y llu.

17 M. N. 7, 6.

Mor hyfryd fydd cyfarfod,
 Yn hynod deml Dduw,
 I gyd-glodfori'n beraidd
 Ei santaidd enw gwiw :
 Cymdeithas seintiau ffyddlon,
 Cyfeillion cyfiawn cu ;

Llonyddwch a llawenydd,
A leinw'r dedwydd dy.

18 M. C. C.

Dywedwyd llawer am yr Oen,
Ond llai nâ digon etto ;
Gwaith yw moliannu'r Oen dilyth
Na dderfydd byth mo hono.
Pan treulir mil o flwyddi maith,
Wrth hyn o waith yn Seion—
Sef rhoddi perffaith fawl i'r Oen,
Byth ni bydd sôn am ddigon.

19 M. N. 8, 7.

I Jerusalem a Seion,
Yr ymgasglu'r saint cyn hir ;
Ar elorau meirch a mulod,
Adref i'r hyfrydol dir ; -
Yno cânt o bob dyddianwch,
Pleser heb ddim tristwch cas,
Yn nghwmpeni'r addfwyn Iesu,
I roi'r clod i'w ryfedd rās !

20 M. N. 8aw.

Mi wn fod fy Mhrynwr yn fyw,
Yn eistedd ar orsedd y nef,
I eiriol dros wael ddynol-ryw,
Sef deiliaid ei gu deyrnas ef :
Mi wn y daw atynt cyn hir,
Am fil o flynyddoedd i fyw ;

A'r gelyn a rwymir yn wir,
Gan Michael, archangel ein Duw.

Hosanna, hosanna trwy'r byd,
A'r nefoedd i gyd, yr un fraint,
Mab Dafydd fydd Frenin o hyd,
A'i Ysbryd yn llenwi ei saint :
Gogoniant yr Arglwydd a fydd,
Ar ffrwynau y meirch yn mhob lle,
A'i demlau gorwychion a rydd
Adlewyrch gogoniant y ne'.

21

M. N.

Hensfych i'r amser da sy'n dod,
Cawn wel'd ein Priod Iesu,
Ar gwmwl gwyn yn fawr ei glod,
Mewn rhwysg rhyfedda' fu erioed,
Yn dyfod i deyrnasu.

E ddaw 'nol ei addewid gref,
A'i holl angylion ganddo ;
A'r saint a floeddiant uchel lef,
O fawl i Dduw hyd entrych nef,
Am iddo ef eu gwranddo ;

A'u dwyn o'r trwm gaethiwed blin,
Sef Babilon buteinllyd,
I'r wlad lle llifa llaeth a gwin,
Lle gwelir gorsedd Mab y Dyn,
A'r saint, bob un mewn gwynfyd.

22 M. N. 8, 7, 4.

Dyma ffydd y gwir gyfammod,
 Ffydd y saint hedasant fry;
 Ffydd y ffyddlon apostolion,
 A'u harwyddion gyda hi;
 Rhad gynnysgaeth, &c.,
 Crist ei hun yw ffydd y saint.

Ffydd heb weithrēd yn ei dilyn,
 Ffydd heb arwydd wrth ei chefn;
 Ffydd heb fywyd ydyw hòno,
 Ffydd heb sail o fewn y drefn:
 Rhad gynnysgaeth, &c.,
 Crist ei hun yw ffydd y saint.

23 M. N. 6, 8.

Ar foreu'r Jubili,
 Pan ddelo Iesu lawr,
 Y saint yn fyrddiwn fydd,
 A goleu'r dydd yn fawr;
 A'r Brenin ar ei orsedd wèn,
 I'r ddaear, fel i'r nef, yn ben.

Yn tramwy Seion ffyrdd,
 Bydd engyl fyrdd diri';
 A chaiff y gwaelfaf saint
 Fwynhau eu braint a'u bri;
 A'r Brenin ar ei orsedd wèn,
 I'r ddaear, fel i'r nef, yn ben.

Holl erlid croes-fyd cras,
 Pob surni cas a sèn,

Pob clefyd a phob clwy',
 Gânt ffarwel mwy — Amen ;
 A'r Brenin ar ei orsedd wên,
 I'r ddaear, fel i'r nef, yn ben.

Cymmanfa Salem lân,
 Mae hòno'n mlaen i ni—
 Nid llai nô mil-flwydd hyd
 Ei hoedfa hyfryd hi ;
 A'r Brenin ar ei orsedd wên,
 I'r ddaear, fel i'r nef, yn ben.

Yn mlaen, yn mlaen mi af,
 I'r gwynfyd braf a'r gwaith,
 At wyr yr ardal wên,
 Sy'n iach ar ben y daith ;
 A'r Brenin ar ei orsedd wên.
 I'r ddaear, fel i'r nef, yn ben.

24

M. C. C.

Pwy â i fynydd Seion Duw,
 Y ddinas wiw, i drigo ?
 Y sawl a rodia'n ngoleu'r dydd,
 Sef teulu'r ffydd, ânt yno.

Am fil o flwyddi, yno cânt
 Roi glân ogoniant iddo :
 Gwyn fyd pe gwawriai'r dedwydd
 ddydd,
 I mi trwy ffydd fyn'd yno.

25 M. N. 8, 7, 4.

O, am undeb a ffyddlondeb,
 Cariad, purdeb, ar y llawr,
 Wrth ymdeithio o'r caethiwed,
 O hen wlad y cystudd mawr,
 Tua Seion, &c.,
 I gael gwaredigaeth lawn.

Rhag y pläau a'r phiolau,
 Sydd i ddod ar fyr i lawr,
 I ddystrywio teulu'r butain,
 Gyda galanastra mawr,
 Arglwydd tirion, &c.,
 Gwared y ffyddloniaid oll.

26 M. N. 2, 8.

Mae, mae,
 Y mil blynyddoedd yn nesâu;
 Caiff plant y deyrnas lawenhau,
 A gwir fwynhau danteithion gwiw,
 Ar fwrdd eu Duw, a'u nefol Dad,
 Yn Seion fâd, ethol-wlad Duw.

Bydd, bydd,
 Y ddraig pryd hyn dan sêl yn
 nghudd,
 Ond rhodia saint ein Duw yn rhydd,
 Heb neb yn boenus brudd eu bron;
 Ond pawb yn llon, ac oll â'u llef,
 Fydd IDDO EF, drwy'r deyrnas hon,

27

M. B.

Y seintiau ffyddlon sydd
 Yn dysgwyl am yr awr,
 Y cânt fyn'd adreu'n llwyr a llon,
 I'r eang Seion fawr.

Mae awydd lon'd fy mryd
 Am fyn'd i'r hyfryd wlad,
 Lle cwrddir pawb yn caru Duw,
 Yn llysoedd gwiw eu Tad.

28

M. H.

Er fod y saint ar hyn o bryd
 Yn cael o wg a gwawd y byd,
 Hwyl gânt fwynhau yn hir 'rol hyn,
 Ddedwyddwch pur ar Seion fryn.

Mae satan, cnawd, a byd yn awr,
 Am rwystro amcan Iesu mawr ;
 Er hyn ei amcan ddaw i hen—
 Ni gawn fwynhau'r freniniaeth wên.

A thyma'm hiraeth penaf i,
 Yw am roi'r clod, a'r parch, a'r bri,
 A'r deyrnas a'r coronau gyd,
 I'm brawd sy'n Frenin penaf byd.

29

M. N. 7, 4.

Beth yw'r swm a'r synu sydd,
 A'r ymroad ?

Duw sy'n cloddio'r meini cudd
 I'r adeilad :

Casglu mae ei blant o bell,
 I swpera,
 Ac i fyw mewn gwlad sydd well,
 Haleliwia.

Moli yno gânt yr Oen,
 A'i ddyrchafu,
 Oll ynghyd mewn hyfryd hoen,
 Heb wasgaru ;
 Yno llifa'u gwledd yn llawn
 O lawenydd,
 Hwyr a boreu, a phrydnawn,
 Gyda'u gilydd.

30 M. N. 8, 7.

Dim ond taith o bererindod,
 Sydd i ffyddlon weision Duw,
 Drwy orthrymder ac helbulon,
 Ar y ffordd i Seion wiw.
 Gwell yw myn'd trwy orthrymderau,
 Tua'r hyfryd wlad sydd draw,
 Na bod gyda'r Babiloniaid,
 Yn yr amser trwm a ddaw.

31 M. N. 6, 7.

Cawn, cawn gymdeithas gu
 Prophwydi, apostolion,
 A'r hen ffyddloniaid fu
 A'u traed ar fynydd Seion :

Cawn gwmni'r Iesu mwyn,
 Dros fil ddigwyn o flwyddi ;
 A thelyn pawb mewn hwyl,
 Drwy'r hirfaith wyl heb dewi.

32 M. N. 6, 8.

A heibio'r dywell nos,
 A ffy cymylau'r nen ;
 Daw, daw'r addewid wir,
 A'i geiriau pur i ben ;
 Ceir gwel'd, ceir gwel'd-yr hyfryd dir,
 Ar fyr o dro yn oleu elir.

33 M. N. 8, 7, 4.

Dros y bryniau tywyll niwlog,
 'N dawel, f'enaïd, edrych draw ;
 Addewidion sydd i esgor—
 Mae rhyw ddyddiau braf gerllaw ;
 Nefol Jubil, &c.,
 Gad i'm wel'd dy foreu wawr.

34 M. C.

Plant ydym etto dan ein hoed,
 Yn dysgwyl am ein 'stad ;
 Mae'r etifeddiaeth ini'n dod,
 Wrth destament ein Tad.
 O, hyn fydd yn hyfryd,
 Hyfryd, hyfryd, &c.,
 Cael cwrdd yn Seion wiw, &c.&c.
 Cawn yno gwrdd oddeutu'r bwrdd,
 Sef cwrdd wrth fwrdd ein Duw.

Ac nid angylion byth, na saint,
 Nid tafod neb sy'n fyw,
 All ddod i ben â thraethu maint,
 Cynnysgaeth teulu Duw.
 O, hyn fydd yn hyfryd, &c.

SWPER YR ARGWLWYDD.

35

M. C.

Mor hyfryd meddwl am y Gwr
 Fu'n dyoddef ar y groes ;
 Mae'n dysgwyl i ni wneuthur hyn,
 Er cofio am ei loes.

O, hyn sydd yn hyfryd,
 Hyfryd, hyfryd, &c.,
 Gan bawb sy'n caru Duw, &c.
 Mae mwy o hedd yn rhin y wledd,
 Na dim ar dir y byw.

36

M. B.

Mae gwaed y groes a'i rîn,
 Yn addas destun cân ;
 Aed rhinwedd hwn trwy'r byd yn grwn,
 I olchi'r brwnt yn lân.
 Gogoniant trwy bob gwlad,
 Am rinwedd gwaed yr Oen ;
 Yr angeu drud fo'n destun byd,
 Ar gân, mewn hyfryd hoen.

37 M. H.

Gorch'mynodd Iesu Grist ein Pen,
I gofio ei angeu trist ar bren—

“Cynnifer gwaith bwytaoch chwi,
Gwnewch hyn er cof am danaf fi.”

Arwydda yr elfenau hyn,
Y cnawd a'r gwaed fu ar y bryn;
Diolchwn a chlodforwn Dduw —
Mae'r Oen a laddwyd etto'n fyw.

38 M. C.

Cyd-roddwn fawl i'n Harglwydd glân,
Dadseiniwn gân o glod,

Am garu rhai mor wael â hyn,
A'n cofio cyn ein bod;

A chario 'n ufydd ei groes bren,
I ben Calfaria fryn;

A marw'n llon, a myn'd i'r bedd:
O, ryfedd rês yw hyn!

39 M. C. C.

Mae'r gwaed a lifodd ar y groes,
O oes i oes i'w gofio;

Rhy fyr yw tragwyddoldeb llawn,
I ddweyd yn iawn am dano.

40 M. C. C.

Nid bara a gwin daearol, gwan,
A bortha'r rhan ysbrydol;

Nid ynt i ffydd ond arwydd dda
O Grist, y bara bywiol.

Ei gnawd a'i waed sydd ymborth pur
I'r nefol natur newydd;
Ond gwledda arno, ni gawn fyw
Fry gyda Duw'n dragywydd.

CARIAD A BRAWDGARWCH.

41 M. N. 8, 7.

Pe llefarwn â thafodau
Dynion ac angylion cu,
Ac heb feddu cywir gariad,
Nid yw ddim llesâd i mi;
A phe meddwn brophwydoliaeth—
Gwybod pob dirgelion sy,
Ac heb feddu cywir gariad,
Nid yw ddim llesâd i mi.

Pe gwybyddwn bob gwybodaeth,
Pe'r holl ffydd yn eiddo im',
Pe symudwn faith fynyddau,
Heb wir gariad nid wyf ddim;
A phe gallwn borthi'r tlodion,
Rhoi fy nghorff i'w losgi'n ddu,
Ac heb feddu cywir gariad,
Nid yw ddim llesâd i mi.

42 M. N. 8, 7, 4.

Cariad sydd yn hir ymaros,
 Ac yn gymmwynasgar iawn;
 Cariad nid yw'n cenfigenu,
 Nac ymfrostio mewn un ddawn;
 Nid ymchwydda, &c.,
 Ac ni chais yr eiddo'i hun.

43. M. C. C.

Cariad a odde'n ymarhous,
 Nid yw gyffrous i ddigio;
 Maddeu'r presennol gamwedd mae,
 Anghofio'r bai aeth heibio.

A hunan les yn llon ymâd,
 Er mwyn llesâd cymmydog;
 Gan gofio Crist a ddaeth i'r groes,
 I farw dros yr euog.

Hwn ydyw'r gras yn fyw a fydd
 Yn ngwledydd y gogoniant;
 Lle na bydd ffydd na gobaith mwy,
 Y saint byth hwy a garant.

44 M. N. 7, 6.

Y cariad sydd yn cuddio
 Pechodau rif y gwllith,
 A fyddo yma'n wastad,
 Yn helaeth yn ein plith.

Mae'n fwy na ffydd nâ gobaith,
 Na doniau llawn y ty ;
 Gwir gariad a brawdgarwch,
 Fo'n wastad gyda ni.

45. M. N. 7, 4.

Cariad brawdol yma boed,
 Yn cynnyddu,
 Gan bob graddau a phob oed,
 Fel un teulu :
 Cwlwm y tangnesedd pur
 Yma fyddo,
 Tra bo'r saint yn myd y cur,
 Yn ymlwybro.
 Arglwydd tirion, dyro 'nawr,
 Ini'th Ysbryd,
 Fel y gallom, fach a mawr,
 Ganu'n hyfryd ;
 A gweddio yn gytun,
 Gyda thaerni,
 Am fendithion i bob un,
 Er mwyn Iesu.

46 M. N. 8, 7, 4.

Ysbryd cariad a brawdgarwch
 Ydyw Ysbryd pur ein Duw ;
 Ffrwythau ydynt sydd yn tarddu
 Oddiar yr ernes wiw ;
 Hwn a fyddo, &c.,
 Y ein tywys ar ein taith.

YR EFENGYL.

47

M. C.

Aed yr efengyl bur ar led,
 Trwy barthau'r byd o'r bron;
 Boed llwyddiant trwy bob gwlad a
 thref,

Lle mae pregeithiad hon.

O'r Fabilon doed myrdd yn awr,
 I 'mofyn am y gwaed
 A lifodd ar Galfaria fryn,
 I olchi'r dua' gaed.

48

M. N. 10, 8.

Efengyl yr Oen am dani boed son,
 Trwy'r broydd a'r bryniau o'r bron;
 Hen Babilon fawr ddaw'n fuan i lawr;
 Mae'r udgyrn yn bloeddio uwch ben.

49

M. N. 6, 4.

Efengyl, hed yn awr,
 Ar edyn cerub mawr,
 O fôr i fôr;
 Paganiaid ddelo'n llu,
 Pob math, yn wyn a du,
 I foli'r Iesu cu,
 Ein Harglwydd Idr.

Efengyl teyrnas nef,
 A lanwo wlad a thref,
 A'r eang fyd ;
 Doed miloedd o bob gwlad,
 I brofi rhin y gwaed,¹
 Gan 'mosyn am iachâd,
 Yn awr mewn pryd.

50

M. C.

Anwylaf Dad, O llwydda di,
 Bur genadwri'r Nef,
 Nes llanwo gwir wybodaeth rad
 Bob ardal, gwlad, a thref.

51

M. N. 9, 8.

Y gareg a dorwyd o'r mynydd
 Yn fuan a leinw'r holl fyd ;
 Ymdreiglo y mae trwy'r teyrnasoedd,
 A'r moroedd mawr eang i gyd :
 Hi ddryllia holl ddelwau'r paganiaid
 Yn chwilfriw i'r ddaear ynghyd ;
 Helaethed gwir deyrnas y gareg,
 Nes cyrhaedd o'gwmpas y byd.

52

M. N. 8, 7, 3.

Arglwydd, anfon dy efengyl,
 Heddyw yn ei rhwysg a'i grym ;
 Dangos fod dy lais yn gryfach,¹
 Nas gall dyn wrthsefyll ddim ;

Tyr'd yn mlaen, nefol dân,
Cymmer yma feddiant glân.

53 M. B.

Aed sw'n efengyl hedd,
Trwy barthau'r ddaear gron ;
Na fydded ardal dan y nef,
Heb yr efengyl hon.

Dychweled caethion fyrdd,
Addolwyr duwiau gau,
I gyd i gredu'n Iesu Grist,
Ac iddo ufyddhau.

54 M. N. Hlau

O, erglyw fy ngweddi, fy Arglwydd a'm
Duw,
Ar ran y trueiniaid niwn t'wyllwch sy'n
byw :

A llwydda efengyl y deyrnas o hyd,
I fyned ar gynnydd nes llenwi'r holl fyd.

55 M. N. 8, 7.

Yr efengyl am y deyrnas
A bregethir trwy'r holl fyd,
Er tystiolaeth i'r cenedloedd
Sydd ar wasgar ar ei hyd ;
Wedi hyny fe ddaw'r diwedd,
Babilon a syrth i lawr ;
Iesu Grist a fydd yn Frenin,
Yn mhob man a lle yn awr.

56 M. N. 8au.

Efengyl y deyrnas yw hon,
 O llanwed bob mynydd a lle;
 Dychweled y gwledydd o'r bron
 I gredu Etifedd y Ne':
 Ei eiriau sydd eirwir i gyd;
 Ni syflant—hwy safant yn syth;
 Y ddaear â heibio ryw bryd,
 Ond geiriau Mab Duw a saif byth.

57 M. N. 8, 8, 8, 6.

Dyrchafer baner goch y groes,
 A seinier haeddiant marwol loes,
 A ffoed cysgodau'r dywell nos,
 O gwmpas daear fawr;
 A ed sain efengyl drwy bob gwlad,
 A golch fyrddiynau yn dy waed,
 A dyro iddynt wir iachâd,
 Ac yna tyr'd i lawr.

58 M. N. 8, 7.

Arglwydd, llwydda dy efengyl,
 Yn ein dyddiau rhyfedd ni;
 Dyro'th Ysbryd i'th swyddogion,
 Fel y gallont dystio'n hy;
 Fel pregethont i'r gwrandaawyr,
 Fel gwrandaawont hwythau'n iawn;
 Yna credu, a'u bedyddio,
 A chael rhyw ysbrydol ddawn.

59 M. N. 6, 8.

Efengyl teyrnas nef
 A lanwo'r eang fyd ;
 Doed lluoedd gwlad a thref
 Yn ddeiliaid iddi i gyd ;
 Mae hon yn addas i bob un—
 Ei Brenin ydyw Mab y Dyn.

60 M. N. 8, 7, 4.

Yr efengyl hon ehedo
 I bob parth o'n daear ni ;
 Doed â miloedd a myrddiynau
 I adnabod Iesu cu,
 Fel bo'r moliant, &c.,
 A'r gogoniant byth i Dduw.

61 M. N. 11au.

Efengyl y deyrnas sydd addas i ni,
 Efengyl dragwyddol ragorol yw hi ;
 Mae ganddi fendithion—arwyddion a wna
 I ganlyn ei deiliaid, lle bynag yr â.

Ei Brenin—godidog, ardderchog iawn yw,
 A'i dewrion swyddogion, anfonwyd gan
 Dduw :

Cyfreithiau a doniau di-newid a fedd ;
 Mae'n werth i ddod iddi, cyn myned i'r
 bedd,

62 M. N. 7, 8, 7.

Efengyl teyrnas nefoedd
 A ledo trwy'n hardaloedd ;
 Aed hon ar frys trwy'r byd o'r bron,
 A llonddychweled luoedd.

I lawr yr elo'r delwau,
 A'r dynol draddodiadau ;
 A hon a fo'n unionu'r gŵyr,
 Yw'm gweddi hwyr a boreu.

63 M. N. 8, 7, 4.

Diolch byth i Dduw y nefoedd,
 Am ei fawr drugaredd rád,
 Pan anfonodd ei efengyl
 Santaidd, nefol, idd ein gwlad :
 O, anfoned, &c.,
 Hon i gonglau pella'r byd.

Ynddi mae bendithion gwerthfawr,
 Gydag Ysbryd Duw ei hun ;
 Ernes yw o'r etifeddiaeth,
 A bod digon i bob ún :
 O, anfoned, &c.,
 Hon i gonglau pella'r byd.

64 M. C.

Ehedeg mae'r efengyl fwyn,
 I bob rhyw barth o'r byd ;
 Yn suan iawn bydd hon yn ben,
 Trwy'r âdæ'r a'r nen ynghyd,

O, henffych i'r amser, &c.,
 Pan fydd gwybodaeth Ior,
 Yn toi ein tir, er lles yn wir,
 I bawb ar dir a môr,

65 M. N. 5, 7, 9.

Molwch yr Arglwydd,
 Molwch yr Arglwydd,
 Molwch yr Arglwydd yn fawr;
 Daeth ei bur efengyl rad,
 Unwaith etto idd ein gwlad,
 Ac fe gaiff oruchafiaeth yn awr.

Iesu a'i rhoddes,

Iesu a'i rhoddes,

Trwy ddadguddiad rhoes i ddyn;
 Fe'i haddawodd yn ddisfreg,
 Ar yr unfed awr ar ddeg.
 Ac fe'i rhoddodd er lles i bob un.

66 M. N. 7, 6.

Y boreu a aeth heibio,
 A'r drydedd awr o'r dydd;
 Y chwechfed awr, a'r nawfed,
 Ynt heibio 'nawr yn nghudd;
 Ond diolch yr wyf etto,
 Am i'm gael cyfle teg
 I fyn'd i winllan Iesu
 Yr unfed awr ar ddeg.

Mae'n amser i gyflogi
 I winllan Duw yn awr;

Pwy bynag a ddaw iddi,
 Gaiff etifeddiaeth fawr ;
 Caiff Feistr digyffelyb,
 A gwobr fawr o hyd ;
 Caiff gadw'i unig enaid,
 Sydd fwy ei werth nâ'r byd.

67 M. N. 10, 8.

Efengyl Mab Duw, di-newydd byth yw,
 Mae hon fel ei Hawdwr ei hun ;
 Mae'n sylwedd i gyd, i loni fy mryd,
 A gwneyd Duw a minnau yn un.
 Gogoniant f'o byth i'm Harglwydd dilyth,
 A'm roddi'r fath fendith a braint ;
 Caf ddyfod a byw, yn nheyrnas Mab Duw ;
 A'm cyfrif yn llechres ei saint.

68 M. N. 7, 4.

Bum heb Dduw o fewn y byd,
 Na thrugaredd ;
 Duw o'i râs a ddaeth mewn pryd
 Ag ymgeledd :
 Yn y bur efengyl hon
 Ymddiriedaf,
 Ac o gylch ei bwrdd, yn llon,
 Bythol ganaf,

69 M. N. 5, 7, 9.

Ceisiwch y deyrnas,
 Ceisiwch y deyrnas,
 Ceisiwch yn awr deyrnas Dduw ;

Ac ymdrechwch nes ei chael,
A'i hadnabod yn ddifflael;—
Ei Rheolwr, yr Ail Adda yw.

Ceisiwch yn ddyfal,
Ceisiwch yn ddyfal,
Ceisiwch a chalon ddifai;
Ei hammodau ydyw ffydd,
Edifeirwch, calon brudd;
Yna bedydd, er maddeu pob bai.

Diolch i'r Arglwydd,
Diolch i'r Arglwydd,
Diolch i'r Arglwydd, ein Duw;
Cewch o ddawn yr Ysbryd Glân,
Idd eich tywys yn y blaen,
Ac yn ernes o nefoedd i fyw.

70 M. N. 8, 7, 4.

Taened gweision Brenin bywyd,
Iechydwrïaeth Crist ar led;
Cluded moroedd addewidion
Drosodd draw i'r rhai digred:
Aed efengyl, &c.,
Ar adenydd dwyfol wynt.

Doed preswylwyr yr anialwch,
Doed trigolion bro a bryn;
Doed pob llwyth, ac iaith, a phobl,
At y gwleddoedd hyfryd hyn;
Y mae croesaw. &c.,
A chyflawnder ar y bwrdd.

71 M. N. 8, 7, 4.

Llwyddiant i'r efengyl nefol,
 Cenadwri rasol Duw,
 Gair yr iechydwriaeth dirion,
 Llawn bendithion odiaeth yw ;
 Llwyddiant beunydd, &c.,
 Ar y bur efengyl hon.

Pawb a gredant a gânt brofi
 Mai sylweddol ydyw'r ddawn,
 Trwy dderbyniad yr addewid,
 Sydd yn ei phregethiad llawn ;
 O, na ddeuai, &c.,
 Teulu dyn i gyd yn mlaen.

72 M. N. 7, 4.

Gan fod yr efengyl bur,
 A'i thystiolaeth,
 Gyda sicrwydd mawr yn wir,
 Mewn bodolaeth :
 Brysio wnelo'n ben y byd,
 Yw fy ngweddi,
 Nes bo'r broydd a'r bryniau i gyd,
 Yn ei moli.

73 M. C. D.

O, cenwch fawl i Iesu gwiw,
 Mab Duw, y Meddyg mawr ;
 Mae'n deilwng o bob mawl a chlôd,
 Am iddo ddod i lawr,

I draethu ei efengyl r ad,
 I'r Iuddew mad er budd;
 Iachaodd eu harchollion hwy,
 A hyny trwy eu ffydd,

74 M. N. 8, 7.

Gwelodd Ioan angel dysclaer
 Yn ehedeg yn y nef,
 A'r efengyl fawr dragwyddol,
 Yn ei w en ddeheulaw ef;
 I'r holl lwythau ei pregethwyd,
 Ieithoedd, pobloedd, bach a mawr,
 Holl breswylwyr t nawg foroedd,
 Holl breswylwyr daear lawr.

Gwaeddodd   llef uchel, uchel,
 "Ofnwch Dduw, O ofnwch 'nawr;
 Rhoddwch iddo ef ogoniant,
 Canys daeth ei farn i lawr;
 Deuwch oll a gwir addolwch;
 Deued daear, deued nef,
 Nid oes llechu, nid oes aros,
 Rhag ei ymddangosiad Ef!

75 M. H. D.

Boed i'th efengyl, Iesu mawr,
 Ymledu dros y ddaear lawr;
 Ei hyfryd sain a'i goleu clir,
 Fo'n amlwg yn yr anial dir;
 Fel byddo i'r cenedloedd oll,
 Ymgasglu ynghyd, heb un ar goll;

Iuddewon hefyd yn gytun,
I gyd i foli Mab y Dyn.

I'W CANU MEWN CYNGHOR.

76 M. N. 8, 7.

O, mor deg yw gweled brodyr,
Mewn tangnefedd yn gytun
Oll yn ddeiliaid cred a bedydd,
Fel y d'wedodd Crist ei hun ;
Wedi cael eu hawdurdodi
I'r holl swyddi ganddo ef,
A'r arwyddion oll yn canlyn,
Yn ol cynllun Brenin nef.

Bwriant allan bob cythreuliaid,
Codant ymaith seirff yn fyw,
A llefarant â thafodau,
'Nol arweiniad Ysbryd Duw :
Ar y cleifion rhoddant ddwyllaw,
Ac yn iach y byddant mwy ;
Ac os yfant ddim fo'n farwol,
Ni wna niwed iddynt hwy.

77 M. N. 7, 4.

Rho dy Ysbryd, Arglwydd cu,
Idd ein blaenor,
Ac i bob rhyw swyddog sy
Yn y cynghor ;

Fel y byddo'n cyngbor oll,
 Yn fendithiol,
 Er cynllunio cael o'r coll,
 Rai i'th ganmol.

78 M. H.

Trwy gadw y cyngborion cu,
 Bendithion ddaw o'r nef i ni;
 Cawn ddoniau ddigon ar y daith,
 A myn'd i'r nef heb fod yn faith.

79 M. C. C.

Er mwyn dy enw, Arglwydd mawr,
 O, dere lawr i'n cyngbor;
 Ac aros hefyd, Arglwydd cu;
 Nis gallwn ni dy hebgor.

Heb ini gael yr Ysbryd hwn,
 Nis gallwn ymgynghori;
 Na 'chwaith draddodi'r gair yn bur,
 Pan byddir yn pregethu.

DUW A'I AIR.

80 M. N. 7, 6.

Pa dduw yn mhlith y duwiau
 Sy'n debyg i'n Duw ni—

Yn hoffi maddeu beiau,
 Yn hoffi gwrandon cri ?
 Nid hir y deil digofaint,
 Gwell ganddo drugarhau;
 Yn nghanol byd o drallod,
 Gwnawn ynddo lawenhau.

81 M. C. C.

Gair Duw sydd wir safadwy oll,
 Heb unrhyw golled ynddo;
 A gredo hwn, caiff drysor drud,
 Nas gwyr y byd am dano.

82 M. B.

O sewn i'r Bibl pur,
 Mae eglur feddwl Duw;
 Pob iot o hwn a bery'n hwy,
 Na'r nef—gwirionedd yw.

83 M. N. Hlau.

Fy mhlant, byddwch ffyddlon tra bo'ch ar
 y llawr.
 Gweddiwch yn ddiwyd, bod mynyd, bob
 awr;
 A sefwech yn dystion i mi tra fo'ch byw,
 Ac yna cewch orphwys yn mynwea eich
 Duw.

84

M. H.

Yn llyfr grâs, fy nefol Dad,
 'Rwy'n cael o'm blinder esmwythâd;
 Gwel'd 'rwy'n mhob dalen iddo bron,
 Wyneb a gwên fy Mhrynwyr llon.

Hwn ydyw'r maes, o'i chwilio'n iawn
 Y gwerthfawr Berl cuddiedig cawn;
 A'r unig wir farsiantwr doeth
 Yw'r hwn a bryn fath berlyn coeth.

O hwn daw santaidd ddw'r i maes,
 All dori syched pechod câs:
 Yma tyf Pren gwybodaeth llawn,
 Heb niwed ynddo os bwytawn.

O boed i'th air, alluog Dduw,
 Gyfeirio'm traed tra byddwyf byw,
 A'm tywys i'r wlad nefol fry,
 Trwy daith y glyn wylofus du.

85

M. N. 8, 7.

Yma boed fy myfyrdodan
 Ar drysorau goreu'r gair;
 Dawn ac iechyd i fy ysbryd,
 Grym a bywyd i mi bair;
 Mi anturiaf oll a feddaf
 Ar y gair cadarnaf gwiw,
 Cwyd fi syny, ceidw f'enaid,
 Mae fy nodded yn fy Nuw.

86

M. C.

Y gair sy'n dangos grâs ein Duw,
 Anfeidrol yw ei faint ;
 Cawn yma wel'd cyfiawnder Crist,
 I'r enaid trist yn fraint.

Hwn yw ein hymborth pur, dilys,
 A'n lluniaeth melys yw ;
 Holl foethau daear byth ni chair
 Yn debyg i air Duw.

Er chwilio'r greadigaeth fawr,
 A'i thrysor dirfawr hi,
 Gwael ydyw golud byd a'i lwydd
 Wrth air ein Harglwydd ni.

 EGWYDDORION, AC ORDINHADAU.

87

M. C.

Mae egwyddorion pur y saint,
 A'u cydsain yn gytun,
 Yn rhoel bywyd i bob rhai ;—
 'Does achos gwadu'r un.

Mae pob gorchymyn roddodd Crist
 Yn haeddu'r unrhyw barch,
 O oes i oes, gan hir barbau ;
 Rhaid ufyddhau i'w arch.

O! na wrthoder un o'r rhai'n;
 Efe ei hun a dd'wed,
 Nas gellir derbyn unrhyw ddawn,
 Heb roddi ynddo gred?

88 M. N. 7, 6.

Ordeiniwyd ordinhadau,
 O fewn yr eglwys wir,
 Y swper fendigedig,
 Ac arddod dwylaw pur;
 A bedydd er maddeuant,
 I'r edifeiriol ddyn;
 Ac yna dawn yr Ysbryd,
 Yr ernes fawr ei hun.

89 M. N. 8, 8, 6.

Mae'r dyfroedd yn y bedydd inâd,
 A'r gwaed sydd yn yr ordinhad,
 Ordeiniodd Crist ei hun;
 A'r Ysbryd Glân sydd yn ei saint,
 Yn dwyn tystiolaeth er ein braint,
 Fod Duw a'i waith yr un.

90 M. C.

Mor fuddiol yw y gair a ddaeth
 Trwy ysbrydoliaeth Duw!
 Athrawiaeth hwn sydd ddidwyll oll,
 A llusern ddigoll yw.

91 M. B.

Y gwaed a lifodd ar y bryn,
 A ylech yn wyn a glân,
 Oddiwrth bechodau mwya'n bod,
 Rifeidi'r tywod mân.

MARWOLAETH, ADGYFODIAD, A
 BYD ARALL.

92 M. C. C.

Y cyfiawn a fydd byw trwy ffydd,
 A dedwydd y bydd farw ;
 Fe'i cleddir yn ei wely pridd,
 A chlodfawr fydd ei enw.

Fe'i gwelir etto ar y lân,
 Yn hollol anlygreddig ;
 Ac se deyrnasa is y nen,
 Medd Iesu bendigedig.

93 M. C. C.

Pan ballo ffafr pawb a'u hedd,
 Duw o'i drngaredd odiaeth,
 Yn Dad, yn frawd, yn ffrynd a fydd,
 Ar gyfyng ddydd marwolaeth.

94 M. N. 8au:

Am dori gorchymyn y nef,
 Marwolaeth osodwyd i ddyn;
 Ac yna fod barn arno ef,
 Yn ol ei weithredoedd ei hun:
 Mae marw yn chwerw i rai;
 Ond marw sydd elw a braint
 I'r cyfryw a rodia'n ddifai,
 Wrth reol gynhenid y saint.

95 M. N. 8, 7.

Ioan glywodd lef o'r nefoedd,
 Yn dywedyd yn ei glust,
 Ysgrifena, Gwynfydedig
 Fydd y meirw mwy yn Nghrist,
 Medd yr Ysbryd, &c.,
 I gael gorphwys ar y daith.

96 M. N. 7, 6.

Ar fyr daw dydd yr Arglwydd,
 I godi'r saint o'r bedd;
 Fe fydd yr holl ffyddloniaid —
 Pob enaid ar ei wedd:
 Cânt wisgo gynau gwynion,
 Fel heirdd angylion Duw,
 Bob un ar wedd ei Briod,
 Yu seinio clod i Ddaw.
 O! aiff rhyw dorf aneirif,
 I'r awyr fry i'w gwrdd;

Cyn hir hwy oll ddychwelant,
 I wledda ar ei fwrdd.
 Fe ddisgyn ar y mynydd,
 Nes holli hwnw'n ddau;
 A gwawr y mil blynyddau,
 Fydd yna'n hoff nesâu.

97 M. N. 2, 8.

Byw, byw,
 I mi yn wir yw Crist a'm Duw;
 Ac yna marw elw yw,
 I bawb sy'n byw i Dduw trwy ffydd,
 Er bod ar lawr, hwy ânt i'r lân,
 Ac yn y fan cânt fyn'd yn rhydd.

98 M. C. C.

Mae meddwl am y nefol wlad
 Yn hyfryd a dymunol,
 Gan bawb sy'n ymdaith trwy wir ffydd,
 I'r ddedwydd drigfa nefol.

Ffyddlonddeb, undeb, cariad dwys,
 Sy'n y baradwys uchod;
 Heb unrhyw loes, na chroes, na chur,
 Ond pawb yn hur heb bechod.

Pêr-ganant fawl i Dduw a'r Oen,
 Heb unrhyw boen i'w blino;
 Hiraethu mae fy nghalon i,
 Am fyned tuag yno.

99 M. N. 8, 8, 8.

Chwi, weision Duw, molwch chwi'r
Oen,

Molwch ei enw â llafar dôn;

Bendigedig fyddo'i enw Ef: *Ps.*

O godiad haul hyd fachlud dydd,

Mawr enw'r Oen moliannus fydd,

Yn y byd hwn, ac yn y nef.

100 (*Anthem.*)

Y cyfiawn drig yn y nef,

Gyda Duw a'r Oen,

Yn rhoddi'r clod i Dduw am ei râs,

A'i fawr gariad rhad:

Pan wedi cyrhaedd pen eu taith,

Gyda'r seintiau canant geinciau,

Nefol odlau, o fawl i Dduw,

Am eu cadw'n fyw.

MOLIANANT I'R ARGLWYDD.

101 M. N. 5, 7, 9.

Molwch yr Arglwydd,

Molwch yr Arglwydd,

Molwch yr Argwydd mewn pryd:

Y mae ei ddaioni mawr,

Atom ni bob mynyd awr,

Yn ein cymhell i'w foli o hyd.

Mae ei angylion,
 Fodau gorwychion,
 Oll yn ymgrymu i lawr,
 Gan ei bur adloli Ef,
 Heb ddim blinder, yn y nef —
 Eu tangnefedd a'u cariad yn fawr.

102 M. N. 11au.

Yr awrhon i'r Arglwydd, yr hwn sy'n ein
 dwyn
 I wybod ei gariad, yn marw er ein mwyn;
 Y bo gostyngedig anrhydedd is non,
 A mawl a gogoniant amgenach uwchben.
 Oddiwrth ein pechodau a'n beiau bob un,
 Fe'n golchodd ni yn ei waed gwerthfawr ei
 hun;
 A gwnaeth ni'n freninol offeiriaid, gwir yw,
 A dygodd ein henaid yn agos at Dduw.

103 M. N. 6, 8.

Y nefocdd gyda ni
 A gân am Galfari,
 Yn dorf ddiri', ryw anthem lân;
 Doed holi derfynau'r byd,
 Pob llwyth ac iaith ynghyd,
 O'u bodd i ddysgu'r gân.
 Cân yw am farwol glwy',
 Ni fedd y nef ei mwy;
 Caed bywyd trwy ei angeu drud;

Adseinia'r nefol wlad
 Am iechydwrïaeth rad,
 Cân am y gwaed fydd hon i gyd.

104 M. C. C.

Wela'r gogoniant mawr a fedd
 Yr Oen ar orsedd nefoedd ;
 Par'towch i'w enw newydd gân,
 Na cha'dd o'r blaen ei hadrodd.

Boed i henuriaid blygu o'i flaen,
 A'r eglwys lân addoli ;
 A'u phiolau'n llawn aroglau per,
 A'u tannau'n mwynber soli.

Mewn cof y mae gweddïau'r saint,
 A'r hymnau maent yn ganu ;
 Hoff yw eu mawl gan Iesu mwyn,
 A gwrando'u cwyn mae'n garu.

105 M. C.

Tydi wyt deilwng o fy nghân,
 Fy Nghrewr a fy Naw ;
 Dy ddonïau o fy amgylch maent,
 Bob mynyd 'rwyf yn byw.

O na foed tafod dan y rhod
 Yn ddystaw am dy waith ;
 Mynegaf finnau hyd fy medd,
 Dy holl ddaioni maith.

Diolchaf am dy gariad ca
 Yn estyn hyd fy oes,
 Diolchaf fwy am un a fu
 Yn gwaedu ar y groes.

106 M. C. C.

Tydi wyt Dduw mewn awr o bwys,
 Sy'n gwrando dwys ochenaid,
 Atolwg, Arglwydd, clyw fy llef,
 Dwg fi i'r nef fendigaid.

Ti fuost i'm yn noddwr hael
 Drwy gyflwr gwael marwoldeb;
 I'th foli di, O Arglwydd da,
 Rby fyr yw tragwyddoldeb.

107 M. N. 5, 6.

Trwy'r byd y bo sôn
 Am bwrcas ei boen,
 A chaned pob teulu
 Mai "Teilwng yw'r Oen."

Fy Mhriod a'm Pen
 A rwygodd y llen;
 Ffordd newydd a bywiol
 Sy i fyned uwch nen.

Mor felys y wledd
 Fydd gweled hoff wedd
 Fy Mrenin a'm Prophwyd,
 Mwyn byfryd mewn hedd.

108 M. N. 6, 8.

Rho'wn fythol glod i gyd
 I'r Tad a'i gariad cu,
 Am holl gysuron byd,
 Ac am well gobaiith fry ;
 O'i fynwes rhoes ei Fab ei hun
 I farw dros anwiredd dyn.

Gogoniant a mawrhad
 I'r Mab perthynu mae,
 Fe'n prynodd drwy ei waed
 Oddiwrth dragwyddol wae ;
 Yn nef y nef teyrnasa'n awr,
 A gwel'd mae ef o'i lafur mawr.

I Dduw, yr Ysbryd Glân
 Rho'wn fythol gân bob rhyw ;
 Trwy rym ei râs mae'n gwneyd
 Yr enaid marw'n fyw ;
 Amcanion Crist mae yn gwblhau,
 A'r enaid trist mae'n lawenhau.

109 M. C. C.

Rho'wn glod i'n Harglwydd glân,
 Mewn hyfryd gân antarwol ;
 Dadseinier drwy'r holl ddaear faith
 Ei râs a'i waith rhyfeddol.

Y Tad, mewn pryd, o'i fodd,
 Anfonodd ei Anwyllyd,

I'n codi ni, druenus rai,
 O bydew gwae a gofid.
 Gras lanwai'r faine i gyd,
 Gostegai'r llid yn hollol,
 Pan y daeth Crist â phardwn pur,
 I wrthryfelwyr marwol.

110 M. N. 8, 7.

Testun penaf fy myfyrdod.
 Fyddo Crist a'i tarwol glwy';
 Yna ni wna byd o drallod.
 Ddifa cysur f'enaid mwy;
 Aros wrth ei groes yn gysson.
 Edrych arno'n rhoddi'r Iawn,
 Hyn a darfa fy ngelynion,
 Hyn a rydd im' heddwch llawn.

111 M. H.

Dysg fi, O Dduw, dysg fi pa fodd;
 I ddweyd a gwneuthur wrth dy fodd;
 Dysg fi ryfela â'r ddraig heb goll,
 A dysg fi goncro 'mhechod oll.

112 M. N. 7, 6.

Angylion ddo'nt yn gysson,
 Rhifedi gwllith y wawr;
 Rhont eu coronau euraidd
 O flaen y faine i lawr.

Dadseiniant eu telynau,
 Ynghyd â'r saint hob un ;
 Byth, byth ni chanant ddigon
 Am Dduwdod yn y dyn.

113 M. N. 8, 7, 4.

Mawr a rhyfedd yw'th weithredoedd,
 Hollalluog, unig Dduw ;
 Cyfiawn yw dy ffordd a chywir ;
 Pen y saint wyt, Iesu gwiw :
 Pwy ni'th ofna, &c.,
 Ac ni'th ogonedda di ?

Ti yn unig ydwynt santaidd,
 A'r cenedloedd oll ddaw'n llon,
 Tua Seion, dinas Joseph,
 I addoli ger dy fron ;
 Am egluro, &c.,
 Am egluro'th farnau di.

114 M. N. 8, 7.

Boed i'r Tad, a'r Mab, a'r Ysbryd,
 Un Duw hyfryd diwahan,
 Gael yn barchus felys foliant
 A gogoniant syth ar gân ;
 Fel yr oedd o dragwyddoldeb,
 Mae mewn undeb hyd yn awr,
 Bob heb ddim cyfnewidioldeb,
 Fydd i dragwyddoldeb mawr.

CANIADAU CYNNADLEDD.

115 M. N. 8, 7.

Y gynnadledd hon genedlo,
 Fwy o gariad at y gwaith,
 A ffyddlondeb a phwysigrwydd,
 A diddigrwydd ar y daith :
 Croes awelon ac ystormydd,
 Sydd yn aml ar y llawr ;
 Ond boddlonwn i'r triniaethau—
 Buan y cawn freintiau mawr.

Gweled yno gawn ein tadan,
 Fu'n dyoddef mwy nâ hyn,
 O erlidiau a merthyrdod,
 Oll yn iach ar Seion fryn :
 Ni gawn ganu " Buddygoliaeth
 Ar bob gelyn, cyn bo hir ;
 Henffych, henffych, ddedwydd amser,
 Am dy weled wyf yn wir.

116 M. N. 8, 7.

O, mor hyfryd gan y gweision,
 Wel'd y brodyr yn gytun,
 Mewn cynnadledd, er cenedlu,
 Mwy o gariad rhwng pob un ;
 Henffych undeb, &c.,
 Ti yw'n coron, ti yw'n grym.

TESTUNAU AMRYWIOL.

117 M. N. 8, 7, 4.

Daw y Barnwr yn ei gerbyd,
 Udgyrn fyrdd a gân o'i flaen;
 Cyd ymgasglâ'r meirw cysglyd,
 Oll gerbron yr orsedd lân.
 Haleliwia, &c.,
 Groesaw anwyl Grist o'r nef.

Gortoledda y flyddloniaid,
 A'u llawenydd fydd yn llawn;
 Daw eu Prynwr mawr bendigaid,
 A'u Gwarddwr anwyl iawn:
 Haleliwia, &c.,
 Gwisgant eu coronau hardd.

118 M. C. C.

Fy etifeddiaeth werthfawr yw,
 Gwir eiriau'r Duw tragwyddol;
 Melysach yw eu nefol rin
 Nâ'r melys win i'w bobl.

Troir eu wylofain trist yn gân,
 Ar lwybr glân ei ddeddfau;
 Mor werthfawr yw eu bywiol rin,
 Mewn cystudd blin a chroesau.

119

M. H.

A all y fraich a wnaeth bob dim
 Ddiffygio byth, neu fyn'd heb rym ?
 A balla nerth y cadarn Iôr
 A wnaeth y nef, y tir, a'r môr !

Nerth dyn yn fuan a wanhæ,
 A chryfder ie'nctyd blino wna ;
 Ond nerthoedd anchwiliadwy sy
 Yn mythol freichiau'n Harglwydd ni.

Y saint ymadnewyddu wnant,
 Can's derbyn nerth o hyd a gânt,
 Nes cyrhaedd y dedwyddol dir,
 Lle mae digrifwch bythol pur.

120

M. C. C.

Aaron, â gwaed nid eiddo'i hnd,
 Unwaith bob blwyddyn safai ;
 O flaen y drugareddfa wiw,
 Am gymmod Duw ymbiliai.

Gwaed newydd beunydd yn ei bryd
 Gynt gollid ar alloran ;
 Ond yr un offrwm ddygodd Crist
 Dawela drist galonau.

Jesu, ein Narchoffeiriad byw,
 Saif o flaen Duw'n wastadol,
 I ddangos ei rinweddol wued,
 A dwyn rhyddhad i'w bobl.

I eiriol fry gerbron y Tad,
 Yn wastad mae'n ymddangos;
 Rio'th gwyn, fy enaid, i ldo ef,
 Mae'n siwr o ddadleu'th achos.

121 M. H.

Dechreuaist, Arglwydd, ein rhyddhan,
 A'th liol sy'n llai tuag atom 'nawr;
 Tro'n calon ataf yr un pryd,
 Cytllawna'th iechydwriaeth fawr.

Bywba ein grasau â dy ddawn,
 Ac ynot llawenhaed dy blant;
 Hysbysa'th wir a'th gariad llawn,
 A'th foli wnawn, mae arnom chwant.

Dysgwrlawn beth a ddywed Duw,
 Fe draetha heddiw saint o'r nef;
 Ond peidiwn mwyr o'i ffyrdd ef droi,
 Rhug ail-gyffroi'i ddigofaint ef.

122 M. C. C.

Na chudd dy wyneb, Arglwydd da,
 A'm henaid na thro ymaith;
 Daw f'einioes wyt, ac ataf dof,
 Mewn dydd o brofedigaeth.

Pe bai i geraint agos cu
 Fy ngado i drengu o eisiau,
 Fe gofiai Duw am danaf fi,
 Cydawnai fy holl reidiau.

O saint, ymro'wch, na fyddwch swith,
 Dysgwyliwch wrth Dduw'n wastad;
 Pan laeso'ch hysbryd, fe'i cryfha
 Yn amgen ná'ch dysgwyliad.

123 M. N. 8, 7. 4.

Archodd Duw i'w lân angylion,
 Fyw yn Seion efo'i saint;
 Gan ei gwyllo yno'n unol,
 Rhag nffernol hudol haint:
 Mor ddymunol, &c.,
 Ac hyfrydol ydyw'r fraint.

Gwrendy'n swyn ar gwyn y gweinion,
 Mewn trallodion clyw ei llef;
 Mae'n gwaredu'r sawl a gredo,
 Pan y galwo arno ef;
 Haleliwia, &c.,
 Dyma ddiddos noddfa gref.

124 M. N. 8au.

Fy enaid, cred, anghofia'th adfyd,
 Edrych i'r ardaloedd hyfryd;
 Ehed o'r byd sy'n fôr o drallod,
 Y mae gwleddoedd i ti'n barod.

Dacw'r gwledydd hyfryd helaeth,
 Roddwyd i mi'n etifeddiaeth;
 Lle mae cariad pur yn lliso,
 Heb byth drai na thersyn iddo.

Dacw'r fan y caf deyrnasu,
 Gyda'm hanwyl Brynwr Iesu :
 Gwledda o'i gariad, gwel'd ei wyneb,
 I ddiderfyn dragwddoldeb.

125 M. C. C.

Gogoniant byth i'r anwyl Un
 A dynodd golyn angen ;
 Yspeiliodd uffern fawr ei grym,
 A rhyddion ydym niunau.

Gorchfygodd Iesu un prydawn,
 Y ddraig a'i llawn gynllwynion,
 A'i waed a roddodd i'n glanhau,
 A'n cânu niunau'n wynion.

Chwi sereiph a cherubiaid glân,
 Eich dawn rhoch allan iddo ;
 Y ddwyfol law a'n cododd ni,
 A'ch cadwodd chwi rhag syrthio.

126 M. N. 8, 7.

Oni chlywsoch ? oni chlywsoch ?
 Onid ydych oll yn llon ?
 Oni chlywsoch ddadguddiaidau
 Mawr yr oruchwyliaeth hon ;
 Anerch yw i'r holl genedloedd,
 Rhybydd dwys i bob dyn byw ;
 Byddwch barod, byddwch barod,
 I gyfarfod gyda'ch Duw.

127

M. H.

Y dedwdd ddydd a ddaeth i bon,
 I'r angel ddol o eutrych nen,
 Ac yn ei law'r efengyl fawr,
 Yn anrheg nef i'r ddaear lawr.

Sa'n n-lgorn hedd yn awr a ddaeth,
 I lwyr ryddhan'r truenus caeth;
 O brysia, brysia ddedwydd ddydd,
 Pan Iesu'n frenin daear fydd.

O'r diwe lld daeth i saint ein Daw,
 Hoff lais eu Hiesu ar eu clyw;
 Ac engyl nef, oruchel fraint,
 I gymlethasu gyda'r saint.

 YMADAWIAD.

128

M. N. 8, 7.

Rhaid ymadael unwaith etto
 A'n cyfeillion cyfiawn en;
 Iesu, na 'madawed d' Ysbryd
 Byth ag un o honom ni:
 Dyro hwn i'n tywys bennydd,
 Trwy ein dyrus anial daith,
 Nes cyrhaeddwm wlad y gwynfyd,
 Yn y tragwyddolfyd maith.

129

M. N. 7, 6.

Er cystal yw cyfarfod
 A'n gilydd ar y llawr,
 Mae'n rhaid ymadael etto,
 Mewn gobaith gwel'd yr awr,
 Y cwrddwn oll yn Seion,
 Oldeutu'r bwrdd heb boen,
 I ganu anthem Moses,
 A pheraidd gân yr Oen.

130

M. N. 8, 7, 4.

Dan dy fendith wrth ymadael,
 Y dymunem, Arglwydd, fod i
 Llanw'n calon â dy gariad,
 A'n geneuan â dy glod:
 Dy dangnefedd, &c.,
 Dyro i ni yn barhaus.

131

M. H.

Ymadael 'rym, O Arglwydd mawr i
 O rho dy law bob mynydd awr,
 I deithio camrau byr ein hoes,
 Dan garu'r Gwr Iu ar y groes.

131

M. C. C.

Er 'madael 'uawr, O Arglwydd ne',
 Bob un i'w le trigiannol,
 O dan dy wên heddychol di
 Y byddom ni'n wastadol,

133 M. N. 7, 4.

Frodyr a chwerydd eu,
 'Fewn yr undeb,
 Er mor holl vw genyf fi
 Wel'd eich wyneb,
 Rhaid ymadael; ond ni awn,
 Mewn llawenydd,
 Dan swynhad o ddysg a dawn
 Ein Dyddanydd.

Hwn arosu gyda ni
 Yn dragywydd:
 Ernes vw o'r deyrnas fry,
 Medd yr Arglwydd.
 Y Dyddanydd hwn a fo
 Yn ein meddiant,
 Nes meddianm nefol fro
 Y gogoniaut.